

Հայաստանի արդյունքները Համաշխարհային բանկի Business Ready 2025 զեկույցում


Համաշխարհային բանկի Business Ready (B-READY) վարկանիշային զեկույցը գնահատում է այն կարգավորումները, որոնք ուղղակիորեն ազդում են գործարար միջավայրի վրա՝ հնարավորություն տալով իրականացնել միջերկրային համեմատություններ ներկայումս 101 երկրների միջև (հաջորդ տարիներին երկրների ցանկն ընդլայնվելու է) հետևյալ 10 ոլորտներում՝

1. Բիզնեսի սկիզբ
2. Բիզնեսի գտնվելու վայր
3. Կոմունալ ծառայություններ
4. Աշխատուժ
5. Ֆինանսական ծառայություններ
6. Միջազգային առևտուր
7. Հարկում
8. Վեճերի լուծում
9. Շուկայի մրցակցություն
10. Բիզնեսի անվճարունակություն

B-READY զեկույցը, որը փոխարինում է նախկին Doing Business զեկույցին, գնահատում է երկրների գործարար միջավայրը ոչ միայն օրենսդրական դաշտի, այլև դրա գործնական կիրառելիության տեսանկյունից՝ հիմնվելով 3 սյուների վրա՝ կարգավորումների շրջանակ, հանրային ծառայություններ և գործառնական արդյունավետություն՝ առավելագույնը 100 միավոր սանդղակում:

Հայաստանը B-READY 2025-ում

Համաշխարհային բանկի կողմից 2025 թվականի դեկտեմբերի 29-ին հրապարակված [B-READY 2025](#) վարկանիշային զեկույցի համաձայն՝ Հայաստանը գրանցել է միջինից բարձր արդյունքներ՝ ընդգրկվելով Եվրոպա և Կենտրոնական Ասիա տարածաշրջանի առավել կայուն գործարար միջավայր ունեցող երկրների խմբում:



Զեկույցի համաձայն՝ Հայաստանն, ընդհանուր առմամբ, ստացել է **66.7 միավոր, ինչը 6.6 միավորով** գերազանցում է գնահատված 101 երկրների միջինացված ցուցանիշը (60.1 միավոր): Այս արդյունքը հաստատում է Հայաստանի դիրքը որպես դինամիկ զարգացող տնտեսություն՝ միջինից բարձր բիզնես միջավայրով:

Հայաստանը լավագույն արդյունք է գրանցել «Բիզնեսի սկիզբ» ոլորտում՝ ստանալով **96 միավոր**, ինչը երկրին ապահովել է **առաջատար դիրք 101 երկրների շարքում**:

Բարձր արդյունքներ են արձանագրվել նաև հետևյալ ոլորտներում՝

- **Ֆինանսական ծառայություններ** – 85.04 միավոր
- **Կոմունալ ծառայություններ** – 72.52 միավոր
- **Բիզնեսի գտնվելու վայր** – 68.49 միավոր
- **Հարկում** – 67.50 միավոր
- **Աշխատուժ** – 67.0 միավոր

Այս ոլորտներում Հայաստանը գերազանցել է համաշխարհային միջին ցուցանիշները՝ դիրքավորվելով բարձր գնահատվող երկրների շարքում:

Զնայած դրական գնահատականների ընդհանուր գերակշռությանը՝ Զեկույցը մատնանշում է Շուկայի մրցակցություն (58.21 միավոր), Վեճերի լուծում (57.96 միավոր), Միջազգային առևտուր (55.26 միավոր) և Բիզնեսի անվճարունակություն (39.17 միավոր) ոլորտներում հետագա բարելավման ներուժը:

Տարածաշրջանային համեմատություն

